



Saksprotokoll

Organ: Fylkesutvalet

Møtedato: 08.05.2019

Sak nr.: 19/3911-5

Internt l.nr.: 25835/19

Sak: 41/19

Tittel: Høyring - Langtidsplan for pilegrimssatsing 2019-2037

Behandling:

Frå hovudutval for næring og kultur låg det føre slik tilråding til vedtak:

1. Sogn og Fjordane fylkeskommune er positive til at Kystpilegrimsleia vert del av den statlege pilegrimssatsinga og representert med regionale senter.
2. Fylkeskommunen vil ta stilling til drift og finansiering av regionale senter langs Kystpilegrimsleia når forslag til lokalisering og modell for ivaretaking av den heilskaplege pilegrimsreisa langs kysten ligg føre.

Endringsframlegg:

Kristeleg Folkeparti gjorde framlegg om slikt tillegg til punkt 2:

Vi vil likevel allereie no peike på at Selje, med sin historikk og framstående kulturminne, er ei naturleg plassering for eit regionalt senter på Kystpilegrimsleia.

Senterpartiet, Arbeidarpartiet, Venstre og Høgre gjorde framlegg om slikt tillegg til punkt 2: Fylkesutvalet meiner at det er kyrkjefaglege og kulturhistoriske vurderingar som må ligge til grunn for lokalisering av eit regionalt senter og har forventningar til at det vert lokalisert eit regionalt senter til Sogn og Fjordane.

Før det vert peika ut eit senter i Sogn og Fjordane må den pågåande prosessen fullførast. Det må vere gjennomført møte med vertskommunane for nøkkelstadane for å få kartlagt korleis dei vil kunne fylle rolla som vertskommune.

Avrøysting:

Framlegget frå Kristeleg Folkeparti fekk ei røyst, Trude Brosvik, Kristeleg Folkeparti, og vart forkasta.

Framlegget frå Senterpartiet, Arbeidarpartiet, Venstre og Høgre vart deretter samrøystes vedteke.

Tilrådinga frå hovudutval for næring og kultur, med vedteken endring i punkt 2, vart samrøystes vedteke.

Dette gir følgjande endeleg vedtak:

1. Sogn og Fjordane fylkeskommune er positive til at Kystpilegrimsleia vert del av den statlege pilegrimssatsinga og representert med regionale senter.

2. Fylkeskommunen vil ta stilling til drift og finansiering av regionale senter langs Kystpilegrimsleia når forslag til lokalisering og modell for ivaretaking av den heilskaplege pilegrimsreisa langs kysten ligg føre.

Fylkesutvalet meiner at det er kyrkjefaglege og kulturhistoriske vurderingar som må ligge til grunn for lokalisering av eit regionalt senter og har forventningar til at det vert lokalisert eit regionalt senter til Sogn og Fjordane.

Før det vert peika ut eit senter i Sogn og Fjordane må den pågåande prosessen fullførast. Det må vere gjennomført møte med vertskommunane for nøkkelstadane for å få kartlagt korleis dei vil kunne fylle rolla som vertskommune.